



**Skema e granteve bashkefinancohet nga BE dhe Qeveria Shqiptare, zbatohet nga GIZ dhe AZHBR**

## **THIRRJA E TRETË PËR DORËZIMIN E APLIKIMEVE “IPARD-like” nr. 03/2014**

**në përputhje me Marrëveshjen e Delegimit të BE-së nr. 2012/295-403**

Agjencia e Zhvillimit Bujqësor dhe Rural (AZHBR) e Shqipërisë në bashkëpunim me Deutsche Gesellschaft für Internationale Zusammenarbeit (GIZ) shpallin **Thirrjen e Tretë për Dorëzimin e Aplikimeve të Skemës së Granteve “IPARD-like” 2012 – 2014 për zhvillimin e sektorit agro-shqimor në Shqipëri.**

**Thirrja e 3<sup>te</sup> do të qëndrojë e hapur nga data 17 Mars deri në datën 02 Maj 2014, ora 16:30, me orën lokale.**

Skema e Granteve “IPARD-like” zbatohet në kuadër të Projektit EU-IPA 2011 “Mbështetje për Bujqësinë dhe Zhvillimin Rural” (SARD). Skema e Granteve bashkefinancohet nga BE-ja (75%), me GIZ si Autoritet Kontraktues dhe nga Qeveria Shqiptare (25%), me AZHBR-në në rolin e Autoritetit Kontraktues.

Buxheti i përgjithshëm në dispozicion të granteve pavarësisht nga numri i thirrjeve është **8.270.000 EURO kontribut publik**, nga të cilat 6.200.000 EURO janë kontribut i Komunitetit dhe 2.070.000 Euro janë nga kontributi Kombëtar.

Thirrja është e hapur për të gjithë personat (fermerë, persona fizik dhe juridikë) puna dhe veprimtaria e të cilëve zhvillohet brenda territorit të Republikës së Shqipërisë në fushat e prodhimit bujqësor ose të agro-prëpunimit; në sektorët e qumështit, mishit, frutave dhe perimeve.

Aplikimet mund të dorëzohen në lidhje me dy Masa:

**Masa 1 Investime në fermat bujqësore**

**Masa 2 Investime në përpunimin dhe tregtimin e produkteve bujqësore.**

Në lidhje me Thirrjen e 3<sup>te</sup>, do të zbatohen **vetëm kushtet dhe formatet e dokumenteve që gjenden brenda Udhëzuesit të ri për Aplikantët (versioni 3.0)**. Udhëzuesi i ri mund të shkarkohet nga faqet e internetit [www.azhbr.gov.al](http://www.azhbr.gov.al) dhe [www.IPARD-like.al](http://www.IPARD-like.al).

**Në përputhje me thirrjen e tretë afati i fundit i përfundimit të zbatimit të projekteve të investimeve është data 31 Dhjetor 2014 ndërsa ai i dorëzimit të kërkesës për pagesë është data 15 Janar 2015.**

**Shpërndarja paraprake e fondeve sipas masave është:**

Masa 1 – 62%

Masa 2 – 38%

Në rastin kur nuk do mund të zbatohet përqindja minimale e parashikuar për një masë specifike si rrjedhojë e cilësisë së apo numrit të pamjaftueshëm të aplikimeve, fondet e mbetura do të transferohen për nevojat e masës tjetër.





## Skema e granteve bashkefinancohet nga BE dhe Qeveria Shqiptare, zbatohet nga GIZ dhe AZHBR

**Totali i shpenzimeve të pranueshme për secilin aplikim është (projekt investimi):**

**Për Masën 1:**

- shuma minimale: **10,000 EURO;**
  - shuma maksimale: **300,000 EURO.**
- dhe të gjitha kriteret e tjera do jenë përmbushur (kriteret e përzgjedhjes dhe pranueshmërisë, përfshirë ato të renditjes).

**Për Masën 2:**

- shuma minimale: **20,000 EURO**
- shuma maksimale: **1,000,000 EURO**

**Mbështetja e sektorit publik për përfituesit do të jepet deri në masën 50% të totalit të kostove të pranueshme dhe do të paguhet vetëm pas përfundimit të investimit.**

Për **Masën 1**, përqindja e rimbursimit për investimet do të jetë më e lartë nëse përmbushen kriteret e mëposhtme:

- 55% për fermerët e rinj (nën 40 vjeç), 60% për ato në zonat malore siç parashikohet edhe nga rregulloret e vendit, dhe 65% për ato investime të bëra në zona malore nga fermerë të rinj.

Të gjitha palët e interesuara janë të lutura të konsultojnë **Udhëzuesin e ri për Aplikantët** (versioni 3.0) lidhur me kriteret e pranueshmërisë, llojet e investimeve të pranueshme, përgatitjen e aplikimeve dhe rregullat e dorëzimit të aplikimeve për projektet e investimeve. Udhëzuesi i ri dhe formatet zyrtare të dokumenteve që duhet të përdoren (formulari i aplikimit, plani biznesit) mund të **shkarkohen** nga faqet e internetit [www.azhbr.gov.al](http://www.azhbr.gov.al) dhe [www.IPARD-like.al](http://www.IPARD-like.al)

**Kopjet e printuara** (falas) të **Udhëzuesit të ri për Aplikantët** (versioni 3.0) mund të gjenden në zyrat e AZHBR-së, Rr. 'Muhamet Gjollësja' nr.56, Tiranë, si dhe në Drejtoritë Rajonale të Bujqësisë (DRB) gjatë orarit zyrtar të punës.

Datat dhe vendet e sesioneve **informuese / të trajnimit** për këtë thirrje mund të gjenden ne faqet e mësipërme të internetit.

**Të gjitha Aplikimet duhet të dorëzohen të printuara vetëm në zyrat qendrore të AZHBR-së në Tiranë**, në një zarf të mbyllur me shënimin sipër **“TË MOS HAPET PËRPARA DORËZIMIT – DORËZUAR PËR THIRRJEN E APLIKIMEVE “IPARD-like” nr. 03/2014”**. Zarfi me aplikimin mund të dorëzohet dorazi personalisht, përmes shërbimit të dërgesave postare private ose përmes postës Shqiptare rekomande në adresën:

Agjencia e Zhvillimit Bujqësor dhe Rural  
Rruga 'Muhamet Gjollësja nr.56  
1000 Tiranë, Shqipëri

duke shënuar gjithashtu masën për të cilën dorëzohet aplikimi së bashku me të gjitha dokumentet e tjera shoqëruese (formulari aplikimit, plani biznesit, etje.) në format të printuar dhe elektronik, siç tregohet në Udhëzuesin për Aplikantët.

**Shënim për aplikantët potencialë:**

Aplikimet e dërguara në mënyra ose në adresa të tjera nuk do të pranohen.





**Skema e granteve bashkefinancohet nga BE dhe Qeveria Shqiptare, zbatohet nga GIZ dhe AZHBR**

Aplikimet e dorëzuara apo të marra pas skadimit të afatit përfundimtar do të refuzohen automatikisht.  
Aplikimet e dorëzuara jo sipas formatit të kërkuar të Formularit të Aplikimit do të refuzohen automatikisht.  
Aplikimet e dorëzuara jo sipas formatit të kërkuar të Planit të Biznesit do të refuzohen automatikisht.

**Për më shumë informacion kontaktoni:**

**AZHBR:**

Tel: +355 (0) 422 48 208

Email: [info@azhbr.gov.al](mailto:info@azhbr.gov.al)

**GIZ :**

Tel: +355 (0) 422 27 568

Email: [SARD-IPARD@giz.de](mailto:SARD-IPARD@giz.de)

